

譚友夏合集

國學珍本叢書



上海國學研究社出版



譚友夏合集

國學珍本叢書



上海國學研究社出版



中華民國廿四年十一月出版

——譚友夏合集——

全書一冊 定價一元八角

國學珍本叢書

校閱者

龔

復

初

印刷者

國學研究社

出版者

國學研究社

總代發行所

上海四馬路中市新文化書社

分代發行所

廣州 北平 成都 杭州 長沙

新文化書社
自強齋
同記書局
武漢文書局

南京 漢口 濟南 梧州 重慶
聚珍書局 民衆書局 華北書局 文華書局 振亞書局

譚友夏合集序

海內奉譚子之教也久矣。澤亦寢處其中者十有餘年。而卒茫乎未有得也。輒泫然而傷之矣。澤少無文章之譽。獨欲退自循省。游衍情性。而又操作靡恆。不能專致其功。以敦進古今之業。故于詩獨便。遂暇而爲詩。然其爲詩也。不屏息矜盼。以寵達于縉紳之前。不結社友以徵倖夫騷雅之譽。不尋聲逐響以剽竊于時代之間。故宴閒習處。坦步安趨。日從事于所謂詩歸者。取其說以相覆。以胸中亦了了自明。獨愧筆樸才澀。不知其所措耳。于是以嶽歸堂諸本爲驛騎焉。句櫛而字比之。朝誦而夕吟之。十年以來。輒與雲子九一搜剔真隱。博通奧會。摩娑既久。徑路斯熟。或時有所去取。則互相傳觀。以驗其中之所得。無何而九一入官。雲子憂處。而澤亦擔簦走四方。升沉遐隔。趣志異形。不能時時有所論說。惟是蹤跡既定。青氈旣安。必出其所攜書卷。陳設几席。而是書者歸然獨存。故精神所注。點勘不休。遂覺前日之所解。今日輒不能解。今日之所好。又非往日之所可好。青黃屢易。闡別彌遠。有指示譚子佳處以示澤。澤亦茫然不知爲譚子詩。猝亦不得其佳處。又不解澤之悅何意。私心誦言異其一語二語。恍惚似譚子者。或郵筒之便。足跡之至。以斯語爲贊。使親見譚子。進我於道。而又素恥未同之言。恐爲其所羞。拒讀其書。想見其人磊落自致。當不如近所稱聲氣者流。以媵阿附媚爲親己而悅之也。故端然自處。而安焉。客有自竟陵來者。輒詢其得譚子近作多少。或得其起居何似。欣然以爲樂。今年遯跡開溪。杳隔城市。高齋古木。助以良友。竟不知其身之匏落也。坊客見有攜譚子嶽歸堂新詩及鵲灣文艸至者。急賺一本相授。取而讀之。靈深之氣。響答高廣。質深之文。風發峻遠。耳目哀集。了無分屬。神魂栖尋。初不一致。道永而靜志堅。而清真研磨之藥鏡。豈丹鉛之象悅也乎。乃合向所去取譚子詩以刻焉。使海內奉譚子教者。抽繹旣盡。新故相接。各得其所以自進而後。不敢妄以學譚子者誤譚子也。雖然。譚子之爲譚子。豈藉人以相明乎。澤妄庸人也。奉譚子之教。以

譚友夏合集 序

覆己之所短者也。安敢不以自明也。癸酉初秋古吳張澤題于旨齋。

自序

比年寡作。然斯事洞然。以爲詩者探始助化之物。郊廟掌故。民人禮俗。可取而賴也。何預人事。今觀予詩。多至四百葉。有幾題無人姓字者。哉。愧矣。愧矣。非但詩爲朽器。諒予亦古人罪人也。力素辦四言。吃吃未克。又嘗愛古樂府。深蒼冥隱。而止令小小駘宕之音。專此一體。能心安否。詩至四百葉。而所作詩。尙未有端。請斷自是。刻將上下四旁而索之。山高淵沈而究之。于是有三告。告于帝。賜壽閒二十年。告亡父母。增吾慧。告一二亡師友。陰掣吾筆。使不得妄加點。則予猶今之可與言詩者也。

癸酋首夏朔元春書

譚友夏合集目錄 卷一

嶽歸堂新詩

五言古詩

蔡敬夫先生賦寒河二詩見寄奉答二首又
和其來韻二首用呈懷抱

其二

其三

其四

光化舟中春熱奉懷老母夫人寄六弟元禮

贈羅少司成師莫江

西山道中念馬仲良邀晤今日

觀裂帛湖

于司直邀入西山紀贈

西山還馬仲良以詩見簡復寄數句

長安得徐元歎詩有寄因送顧青霞還吳門

周安期忽忽辭去

與譚梁生鄰寓詩

馬仲良邀饌同茅孝若賦亭臯木葉

留歎詩別六瑞作

爲葛震甫題幽閨人所畫野草

新化令陳鏡清予所刻寒溪六詩者也都門

得書感寄二首

其二

繹米詩乙丑六月十八日作二首

其二

蔡師亡後令弟仁夫遣問感答其意

甲子京師得池直夫書丙寅家居得書與贈

詩因寄之海上

武陵舟遇贈楊弱水先生

胡公占遊西山見予所題煙磬閣有詩和答

之

別鮑男卿寄懷劉同人

玉泉歸贈胡汝濟明府

穎川張同甫曾訪予都門萬福寺投詩不值

而去丙寅冬日閒居有懷始寄答此章

龔母詩爲君路母賦

同劉濟甫橋坐

鄂城贈傅陵九郡尊初度

送葉敬君憲副

丁卯秋塲前一日看童子買草鞋戲送夏長

卿兼寄韓求仲太史

贈李都諫座師

送閔同生還若

小米弟四十感懷成詩

答許玄昭

周伯孔移家湖岳堂招集兄弟友朋歌姬觀

湘漲因具舟泛河遍歷湖蕩諸處下泊萬

樓鼓吹大作分韻記事得原字

負傅陵九觀察永州約至湘寄之

園中送劉子侗黃子城龍子霽臨歸舟

送王六瑞給諫還朝

百日詩哭仲弟小米作三首

其二

其三

祝釐篇送傅陵九觀察進表

送劉同人北學四十二句

置竹鵲亭將竟送李仲含歸

譚友夏合集目錄 卷一

嶽歸堂新詩

五言古詩

蔡敬夫先生賦寒河二詩見寄奉答二首又
和其來韻二首用呈懷抱

其二

其三

其四

光化舟中春熱奉懷老母夫人寄六弟元禮

贈羅少司成師莫江

西山道中念馬仲良邀晤今日

觀裂帛湖

于司直邀入西山紀贈

西山還馬仲良以詩見簡復寄數句

長安得徐元歎詩有寄因送顧青霞還吳門

周安期忽忽辭去

與譚梁生鄰寓詩

馬仲良邀饌同茅孝若賦亭臯木葉

留歎詩別六瑞作

爲葛震甫題幽閨人所畫野草

新化令陳鏡清予所刻寒溪六詩者也都門

得書感寄二首

其二

繹米詩乙丑六月十八日作二首

其二

蔡師亡後令弟仁夫遣問感答其意

甲子京師得池直夫書丙寅家居得書與贈

詩因寄之海上

武陵舟遇贈楊弱水先生

胡公占遊西山見予所題煙磬閣有詩和答

之

別鮑男卿寄懷劉同人

玉泉歸贈胡汝濟明府

穎川張同甫曾訪予都門萬福寺投詩不值

而去丙寅冬日閒居有懷始寄答此章

龔母詩爲君路母賦

同劉濟甫橋坐

鄂城贈傅陵九郡尊初度

送葉敬君憲副

丁卯秋塲前一日看童子買草鞋戲送夏長

卿兼寄韓求仲太史

贈李都諫座師

送閔同生還若

小米弟四十感懷成詩

答許玄昭

周伯孔移家湖岳堂招集兄弟友朋歌姬觀

湘漲因具舟泛河遍歷湖蕩諸處下泊萬

樓鼓吹大作分韻記事得原字

負傅陵九觀察永州約至湘寄之

園中送劉子侗黃子城龍子霽臨歸舟

送王六瑞給諫還朝

百日詩哭仲弟小米作三首

其二

其三

祝釐篇送傅陵九觀察進表

送劉同人北學四十二句

置竹鵲亭將竟送李仲含歸

譚友夏合集 卷一

嶽歸堂新詩

竟陵 譚元春 友夏著

五言古詩

蔡敬夫先生賦寒河二詩見寄奉答二首又和其來韻二首用呈懷抱

杳杳吳越路。從此門前踏。我歸欣有所。河光資伏臘。天陰濕素練。月上潤玉塔。雖曰流不返。林居有吞納。茆屋圍長隄。水火自相匝。溝洫界爲垣。春流歸無雜。桐井覆雞鳴。渡口聲颯颯。兄弟成鄰里。賓朋知老衲。倚樹時不冠。人逢無拜答。庶幾桑者心。泄泄猶杳杳。吾師曰不然。大道明關闔。

其二

異哉洵河夫。門斷十年橋。大夫始梁之。亦以寫陶陶。喧寂無成心。高懷若冰綃。可斷亦可梁。斯人德先昭。我欲志尙友。雜念墮其標。河水鷗所家。以我充乃僚。釣雪擢煙心。耿耿貫晨宵。落葉知將生。落月知將朝。落翎知將毳。落岸知將潮。君子閉門深。百物稟榮凋。蘆荻性所堅。松柏脂所銷。吾師師此水。何以冥靜囂。

其三

寒泉亦此寒。寒山亦此寒。深嚴闕靈化。蕭蕭反難干。河流周舍北。幽蹤已造端。自我桃能花。淵士時往還。緬將無競心。吐入煙物間。衣冠陳俎豆。蠢蠢寫人閑。非詠先王風。無以發其瀾。舟車不言勞。使令不言安。所難提攜人。數子咸達觀。物外生笑語。竹風吹肺肝。豈不慎威儀。我友聊相寬。

其四

欲隱先濟世。此意空蹉跎。仰彼易名叟。竿外不求他。臺池僮僕力。微具溪與阿。曾袖南嶽雲。投之東臯河。春杵雜鐘磬。緇俗相盪磨。誰結風雨歡。祝此笠與簑。朴心良以一。毋乃幽緒多。弱柳亦有浪。古松亦有波。肅肅乃娟娟。懷君能不歌。我歌臨河水。河水流奈何。

光化舟中春熱奉懷老母夫人寄六弟元禮

最憐吾母愈。似人多病時。遊子歡出門。良由未經思。難言諸仲季。齋塾非遠離。母愛無是非。含哺卽爲飴。前欲向汝拜。忍膝恐淚隨。初向長安道。相戒勿苦悲。俗情不可同。聊以慰親知。鄧襄風土高。兼早來牟尼。鳩喚吐新熱。不爲春雨資。憶母身上衣。增損是其期。酌汝軒牖間。敬哉延涼颺。

贈羅少司成師莫江

嘗陋陳正字。胡琴集市喧。所以客京師。破寺隔頽垣。吾鄉羅先生。體氣如湘源。淡淡秋水月。分身注甕盆。君適爲陽城。我來作何蕃。北面窺高座。巾烏肅心魂。遭際成師友。絲毫皆君恩。班行喜深匿。皇皇誼我敦。逡巡未肯前。亦以見道尊。執經古所許。是日上公門。

西山道中念馬仲良邀晤今日

一路把君詩。過門不及訪。數月慕山光。展期未暇往。歎我事事然。後時多存想。楓柿紅高秋。微涼天氣廣。安能城中坐。徒受喧塵享。山亦喜人來。不聞罪今曩。君子物表心。豈不嘉空朗。

觀裂帛湖

行藻蘊水天。湖以潭爲質。龍雨眠一湫。畏人多自匿。百怪靡不爲。喁喁如魚濕。波眼各自吹。肯同衆流急。注目不暫捨。神膚疑爲一。森哉發元化。吾見真宰滴。

于司直邀入西山紀贈

相攜入秋山。與君見面始。人情重拜揖。脫畧高雲裏。巧熟自相因。靜默翕靈詭。先引謁奇樹。再導踏芳芷。擷草香衣裾。酌泉行饜底。升降君所司。虛衷聽起止。香山而能言。感君來君子。

西山還馬仲良以詩見簡復寄數句

不甚急君晤。良由平素深。反覺故識人。尙多速見心。故人急鬢眉。故心急高森。十年蘊形影。水月默相尋。譬如交隆古。未面始得欽。良覲今可遂。常恐洩幽襟。京師萬物早。菊先重陽臨。地寒拉使燥。易使花散金。杯酒涼秋天。漠漠山還吟。雞鳴見君子。我懷如空林。

長安得徐元歎詩有寄因送顧青霞還吳門

如何君形影。乃覺都城遇。我無山川心。致君車馬句。塵糞不敢道。累君失君素。一舟易江水。慈親有日暮。貧養必以身。友尙可神晤。問我胡燕遊。我難答其故。面赤真無益。路窮行非路。含情送君友。愁心墮煙霧。

周安期忽忽辭去

此心向君驚。明日歸路多。颯如獨坐時。夜半開鴈過。丈夫萬事左。誓莫嗟蹉跎。請看吳楚路。原不同煙波。君歸我卽歸。君聞驚如何。

與譚梁生鄰寓詩

南屏窺子齋。勝因窗牖透。湖上登我舫。奇唱發初遘。五年天涯身。再逢鬢及袖。我退君則進。胸中不可究。鈴韜與圖書。常若馬處廐。馬有出廐心。慨世將焉救。人生射猛虎。卽是依靈鷲。以我空拳人。雖勇不遑鬪。京兆試失利。丘巖離難驟。乙我而甲君。壯心拱手授。京城路易遠。卜鄰君先僦。月寒不能寐。門掩頻相叩。兩人何所晤。耿耿菊香候。

馬仲良邀餞同茅孝若賦亭臯木葉下

秋風帶早寒。吹君鄰家樹。葉葉望遠吹。在君塔下遇。木與葉相別。飄焉墻瓦赴。颯沓散秋迴。非爲霜所誤。如
何故人影。看作霜天路。是夕燈外菊。同心照遲暮。

留歎詩別王六瑞作

與君同丹邑。升沉各在京。非緣今始合。結交難結輕。是年官騎馬。沙土飛冠纓。衝塵出破寺。肝膽吐可驚。長
鬚怨遙邸。裹飯頻出城。宵夢與晨思。片紙走營營。青鸞月一隻。照柏舞鐺聲。安知故鄉遠。所有懷搗明。初秋拜夕
卽封事。有紀經笏影。含希夷。君友一精誠。氣宜栩栩化。非但不爲名。賈生憂已久。原不在枯榮。還家郊樊寬。千竹
水一泓。留歎在君處。我尙力我耕。

爲葛震甫題幽閨人所畫野草

燕中草木稀。何人畫此草。自是幽閨人。無端發靜好。偶見上堦生。索筆向秋杪。毫素覓不及。閒心豫成稿。咳
唾化野烟。未必由墨掃。觀者前世來。足令秋天了。

新化令陳鏡清予所刻寒溪六詩者也。都門得書感寄三首

行住待終古。果得遇君詩。君詩如有覺。衝泉破壁馳。我適遭天幸。退卽告友師。數眼同一心。各口無兩辭。何
必有故舊。此物真絕奇。曾聞峯與塔。飛飛自外夷。精神萬里來。豈人力致之。甲子春客燕。家以君書貽。得書寧不
喜。心中反自嗤。可惜神賞意。機泄受君知。雲雨雖一物。常感雲生時。

其二

廉吏不願富。老吏不遑貴。持此太古心。豈能甘宦味。前亦有所聞。不免私相喟。歸耕性可伸。懷袖忠孝氣。時
勢迫令然。非關人勇毅。大哉吾取法。蒿中一仲蔚。

糴米詩乙丑六月十八日作

獨飽看人饑。腹充神不完。我在凶歲內。不可謂旁觀。雖有家人糧。喜因賓遊殘。冬衣夏所用。出糴不爲難。糴谷糠粃力。饑婢催心肝。未若糴米好。入門旋作糴米價。朝夕更人如饑鳥。攢富人與市兒倡。和作粘竿。安能久不食。嗟哉立城端。

其二

六月望前後。稻花香過區。子粒未暇黃。益與初饑殊。令尹平其直。忽復閉倉庾。擔石空夜還。吾尙立暝途。山僧學道人。愛與其飢飢。一舟下蓮塘。相飽亦須臾。老衲慈有數。倒甕向予輸。反令僧爲檀。此意化妻孥。有弟不失養。瓶粟多私儲。君看吾饑時。何以不瞿瞿。

蔡師亡後令弟仁夫遣問感答其意

弟兄無各羣。師友非偏篤。不恨見友晚。但恨失師速。我師恨煙霄。其弟問林屋。殘驛乞馬來。悽然響僮僕。展書不敢喜。拜使先之哭。平生春草心。它鄉夢當綠。貽弟惟良友。未面意久熟。曾代鴈鳴沿。以答鶯啼谷。予曾寄仁夫詩先生代答四首。此意是何如。皓首當交勗。

甲子京師得池直夫書丙寅家居得書與贈詩因寄之海上

奇人住閩海。日月出其門。白鷺兼島湧。吟嘯相崩奔。玉屏太古色。手自劈雲根。雲斷損怪石。文字補無痕。萬里尋儔匹。只如越陌存。會面非所急。親舊安足論。念我亡師友。無日不聲吞。真幸逃無處。皇皇收心魂。靈秀傾人命。徒令拙者尊。與君暮相保。進以大道言。浮丘遇安期。所談近蒙昏。世人風煙下。一笑焦螟喧。

寄鄭別駕吳君

文人作郡倅。世爭歎轡軻。豈知學道人。事屯任運妥。舉世戲相逐。有如男女羸。甘爲青裙婦。寧羨佩玉瑤。郎

中三府齋。少時半年鎖。衙西通曠園。塘小鑿未果。日見過牆鹿。啣草斜陽。憶君是時步。如與相右左。但以我知君。因覺君知我。彌天蒼英稀。遙遙存碩果。

武陵舟寓贈楊弱水先生

客心寫空江。客蹤愛孤牒。瑞人與神士。自賀得梯接。中丞風義高。蕭遠歷多規。大道萬物母。實心真宰血。昨日識鬚眉。十年勤齒頰。相見欲致辭。忽墮無可拾。君適閒一郊。丘壑入匡雙。高樓收眺聽。目往圍紅葉。繁霜落不及。妙容恣食獵。

胡公占遊西山見予所題煙磬閣有詩和答之

巖墟不可盡。煙嵐向夕通。坐臥碧岑上。星辰立燈中。香山宮闕心。趨與百祥同。僧嬾不廢磬。鳴磬如幽衷。天半行筆墨。杳默存遙蹤。用我手蠹蠹。映汝自熊熊。吟嘯落人世。曲折亦從風。佳句裂帛聲。疑經湖水融。始知高下際。曠士收厥功。

別鮑男卿寄懷劉同人

劉生五年別。不認劉生意。約略心口間。常有男卿字。男卿會漳卿。久亦成良友。又愛劉生字。日在男卿口。野菴立東風。柳色牽腸去。告別車馬音。音影滿君處。我寄劉生書。自喜常飄泊。飄泊固人心。無復友邊薄。

玉泉歸贈胡汝濟明府

胡公才卓然。惻款作良牧。許我王粲流。登樓共游目。日愛清漳清。不愛曲沮曲。時雨散櫟林。好風吹鬼谷。度門八十老。僧中號耆宿。萬事皆健忘。尙知誇佩贖。我再游玉泉。泉寺易風俗。肥僧對蔬鼓。不遭輪蹄辱。笑問何由然。公至洗腥毒。智者戒非常。潛夜授壯繆。再來事有之。塔級數應熟。

古意寄懷美中以實兩黃子

苦念兩黃子。貧居浣上川。川光日以碧。貧居日以妍。茶香午夜藝。魚肥深秋船。各自懷金錫。時多重貝錢。寶爾布褐囊。寧不厭人憐。我亦有弦朔。念之不能眠。喬木既易朽。藤蘿相歲年。藤蘿自可古。慎勿荆棘纏。寄語兩黃子。斯言或其然。

穎川張同甫曾訪予都門萬福寺投詩不值而去丙寅冬日閒居有懷始寄答此章

古音不可追。正響謂孤調。雲水散杳冥。永日不彈妙。小室綠燈影。自將朱絃照。憶念平生友。宜用寂寞報。曩客春明門。塞默中浩浩。盛世四民外。別自有無告。汝陰張氏子。萬卷不圖效。奇蹤無貴游。訪我申所好。荒寺苦難逢。一去成遠道。天寒雁鷺多。野水自移釣。

龔母詩爲君路母賦

龔子齊憶忘。自念其母苦。冰蘖如薺甘。難哉母兼父。孤貧表弘慈。挫鍼日夜輔。敝帷映隣光。誦讀聲出戶。有微可捧時。收淚思纈廡。何以報爾親。勤慎用相補。

同劉濟甫橋坐

種秫常薄收。嗟嗟綠尊淺。子適斷盤辛。雖飲不至灑。霜月沒深溪。林逕互隱顯。端坐想十年。村春送寒犬。相傍良夜深。褐中珠玉煖。

鄂城贈傅陵九郡尊初度

人生本在直。又以勤不賈。古語矜昔聞。之子得其意。離堆山下月。月心照高致。文士羞自了。起而去爲吏。膺力人方剛。骨體天無媚。小戢楊馬才。安就龔黃位。來守武昌日。江魚價騰貴。些些水晶鹽。便足知官味。問君今幾齒。生我遲暮愧。四句公始滿。蹉跎我過二。公曰且無論。脈脈笑相視。

送葉敬君憲副